

## Rheintaler Segen „Bhüeti Gott“

Bezugnehmend auf den Alpsegen der Sennen auf der Alp habe ich den traditionellen Text auf die gegenwärtige Situation hin umformuliert und rufe ihn abends über den Dörfern unserer Kirchgemeinde mit der Folle.

Er kann umgestaltet werden und dann überall gebetet oder gerufen werden.



## Bhüeti Gott

Bhüeti Gott, bhüeti Gott, bhüeti Gott,  
Es walte Gott, de Vater,  
de Sohn Jesus Christus  
und die heilige Geischtchraft.

Bhüet Gott, üs alli im Rhiintel,  
in all üsere Dörfern  
in üsere Häusern und Wohnungen,  
Müettere und Vätere,  
Grosseltere und Urgrosseltere,  
Chind und Jugendliche.  
Bhüet üs Gott mit dinere Geischtchraft.

Bhüet Gott, üs alli im Rhiintel,  
Jungi und Alti,  
Chranke und Gsundi,  
Truurige und Ufgstellti,  
alli Mensche, die glaubet,  
alli Mensche, die nöd glaubet,  
Bhüet üs Gott mit dinere Geischtchraft.

Bhüet Gott, üs alli im Rhiintel,  
All üsere Tier und Pflanze,  
üusers Wasser und üuseri Luft,  
üuseri Felder, Wiese und Wälder.  
Bhüet üs Gott mit dinere Geischtchraft.

Bhüet Gott, üs alli im Rhiintel,  
vor Chrankheit und jeder Plag,  
bhüet üs vor Pandemie,  
vor Einsamkeit und Verzweiflung.  
Bhüet üs Gott mit dinere Geischtchraft.

Mir bittet di i dieser Stund:  
Lass üs in dere Ziit zämme stoh,  
lass üs helfe, überall wo mer könne,  
lass üs fürenand da sii!

Das bitte mir im Name  
vo de Heilige Dreifaltigkeit:  
Gott Vater, Gott Sohn  
und Gott heilige Geischtchraft.

Bhüeti Gott, bhüeti Gott, bhüeti Gott,  
amen, amen, amen.